



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五四五

繡屏風館詩集十卷 方 熊 撰

一

太華山人詩存五卷 王益謙 撰

一七三

檀華館全集十二卷（文集六卷駢體文一卷詩集四卷

附詩餘雜錄一卷） 路 德 撰

二一一

小谷口詩鈔十二卷首一卷小谷口詩續鈔一卷 鄭祖琛 撰

六〇五

清詒堂文集不分卷 王 筠 撰

六九三

真息齋詩鈔四卷真息齋詩續鈔一卷 陸費瓌 撰

七六三

繡屏風館詩集

文集嗣出

文華齋張允恭刊

繡屏風館詩集自序

余束髮時卽研求聲韻四聲譜所作詩不計千餘首雖於古人源流正變粗能辨別奈賦質不敏未克舉然特以自立良用慙焉放翁詩云頭白不名家正余之謂矣迄今年過知非自度不復進益因將叢殘舊稿芟而存之凡得古今體詩若干首夫作詩如遊名山其中峯巒之層疊泉石之瑰奇林壑之幽遠煙雲之變幻非冥抄曠覽由淺入深自表及裏心目所親歷者不能懸揣而知之彼封已自足畫地不前者每以所見如是斷爲未見者不過亦如是豈足語遊山之趣乎余於一吟一韻撚髭穿袖苦費推敲初以爲是久之而漸覺非矣又久之而益覺非矣故點繡屏風館詩集

序

竄塗乙視初稿往往有不畱一字者陸魯望謂平生所作歷年不能淨寫一本真甘苦自喻之言也是編不敢謂毫無遺憾惟知其非而去之以求寸心之安而已矣至弁言之作不欲丐諸當世名流者以吾斯未信俟諸異日可也道光丙申陽月十日

繡屏風館詩集題詞

鄭德懋 梅和

前望荆榛塞路來卻行白霧又成堆今朝吟詠繡屏集大海紅蕖曉色開

十萬軍聲鼓怒濤人間纖響漫嘈嘈他時流播新詩本又見衡陽紙價高

王光鼎 晴香

方君本高士風骨如古梅不諳世俗態獨抱大雅才示我一編詩好句若珠貫半是白樂天半是陸務觀家有萬卷書下之以醇酒醉裏發清吟紅霞飛滿口

周彬 菴

繡屏風館詩集題詞

一

家風真不愧元英此筆天然逸氣生才大能兼唐宋體調高如合鼓鐘聲範模山水何曾嬾

集中有多錄陳懶隔點知交之句因反其意點綴鶯花亦至情付與小紅低唱好酒杯親勸月華明

趙允懷 閩鄉

博得蕭蕭兩鬢絲肯拋心力爲耽詩若非過目書千卷那有隨心筆一枝掩抑九歌微醉後動搖萬象苦吟時江鄉風雅懸如綫不絕還當君續之

鄭彥湘 叔錄

門外飛雪方連縣北風吹到詩一編對雪快讀頓忘冷置身早在紅鑪邊我無椽筆弁言作聊據管見題雲牋邇來詩語尙縹緲所得皮毛骨髓少往往塞紙盡空浮猶說雲

龍露鱗爪或矯是弊痛鞭批鑿刻峭拔超凡蹊又嫌邊幅太窘迫束縛竟如牛角騷君除二弊自一格籓籬那許古人隔有時平地起樓臺湧現層霄盡金碧有時破浪駕長風千里收帆在頃刻奇思全湧殆如蘇流易近情又如白平生所嗜惟白蘇智珠握定無迷途兩家剛柔自有別意將陶冶歸一鑪愧我散花漫結習絮月寒蟲苦啾唧盆池卷石方自珍忽望汪洋對峭崿幾時槌碎黃鶴樓何日踢翻鸚鵡洲洗盞且醉古梅下爭雄赤壁一笑休

季成鈺 礪之

江村高臥不知寒祇與梅花締古歡萬卷奇書羅腕底兩間清氣入毫端全無依傍才方大畫出空虛事最難西子繡屏風館詩集題詞

二

淡粧偏豔絕獨留真色世人看

閩秀 季蘭顏 湘娟

性靈格律能兼擅萬卷胸羅筆有神不是先生標一幟海虞詩老竟無人

幽居高隱比神仙閒適吟來似樂天我把好詩如畫讀白描不異李龍眠

卓犖天生詠史才篇篇生面筆能開重瞳不屑江東王千古英雄知己來

項羽詩

吾弟傾心拜下風一編珠玉示閨中始知清廟朱絃奏雅樂原非俗樂同

有極自然處有極刻畫處有妙必臻無美不備讀之惔然
意下澁然汗流快矣哉得未曾有也道光辛卯元旦蔣因
培讀

次日見王晴香集中有題句云半是白樂天半是陸務
觀鄙意則以爲揜有衆長得力處尙不止此兩家也因
培又記

繡屏風館詩集

題詞

三

讀繡屏風館近稿

同君失足輟紅塵懊惱間浮著此身未了三生文字習世
中還喚作詩人

等身著作待傳刊祇以空花水月觀遊戲未妨詩說法誰
知寒拾卽方干

道光戊戌八月眉叔弟張爾旦拜題

繡屏風館詩集

題詞

四

繡屏風館詩集總目

卷一

旃蒙赤奮若 古今體詩十二首

柔兆攝提格 古今體詩二十七首

彊圉單闕 古今體詩二十七首

著雍執徐 古今體詩三十六首

屠維大荒落 古今體詩二十三首

上章敦牂 古今體詩十六首

重光協洽 古今體詩十五首

元熙涒灘 古今體詩十首

昭陽作噩 古今體詩二十首

繡屏風館詩集總目

卷二

闕逢闍茂 古今體詩十三首

旃蒙大淵獻 古今體詩十七首

柔兆困敦 古今體詩二十首

彊圉赤奮若 古今體詩二十四首

重光大荒落 古今體詩三十二首

元熙敦牂 古今體詩三十四首

昭陽協洽 古今體詩三十一首

卷三

闕逢涒灘 古今體詩三十三首

旃蒙作噩 古今體詩五十九首

卷四

柔兆闍茂 古今體詩五十八首

彊圉大淵獻 古今體詩七十二首

著雍困敦 古今體詩九十一首

屠維赤奮若 古今體詩八十五首

卷五

上章攝提格 古今體詩二百五首

卷六

重光單闕 古今體詩一百六首附四首

元熙執徐_上 古今體詩六十二首附三首

卷七

繡屏風館詩集總目

卷八

元熙執徐_下 古今體詩一百六首附二首

昭陽大荒落_上 古今體詩八十九首附一首

卷九

昭陽大荒落_下 古今體詩一百一首

闕逢敦牂 古今體詩八十一首

卷十

旃蒙協洽 古今體詩五十首

柔兆涒灘 古今體詩三十六首附一首

彊圉作噩 古今體詩七十六首

著雍闍茂 古今體詩四十五首

屠維大淵獻 古今體詩一百二十五首

繡屏風館詩集

總目

三

繡屏風館詩集卷一

琴川方熊子漁

旃蒙赤奮若

維摩寺觀日出

百六十丈峯插天一寺更踞峯之巔千盤百折難驟上目
極林巒奈心痒衆客爲招筍輿來他人代步力可仗果然
飛行如奔猱草履踐處雲交讓登閣四望綠千里縱橫方
罽劃平壤東北一角景更奇海氣蒸天白漭漭同人急欲
下山去炊烟繚樹日將暮老僧搖手向予言山路崎嶇昏
可怖伴君一盞長明燈五更盍看陽烏升小倚禪床聊假
寐夜歸猶有敲門僧黃雞未叫烏未起一綫清光射窗紙

繡屏風館詩集

卷一

一

扶桑三躍來眼前一丸紅珠滾出矣日高芒閃雙青瞳四
山塔頂松尖紅此時下界猶朦朧家家扃戶酣夢中

勝法寺古松歌

一里陰森無烈日縱有斜陽紅不得疑是慘慘雷雨昏誰
知乃是蜿蜒來道蒼松塞天風吹動洪濤沸半空純是蛟
龍氣中藏古寺人不知疏鐘一聲碎濃翠欲獻乎支離叟
嘒嘒翁沐日浴月空山空平生未受秦皇封惹惹鬱鬱何
奇雄幸幸縱縱胥化工下有茯苓結礪礪上有兔絲垂繫
鬆銅筋鍊骨不可動之而鱗甲冰霜中我來撫摩觸手痛
欲倩畢宏韋偃圖其容

相馬行

神駿不在腰腹長七尺八尺空昂藏神驥不在顏色異三
花五花空文章君不見古時相馬有九方不知牡而驪不
知牝而黃千秋明眼同孫陽寒風縱能辨口齒陳悲縱能
識股腳繩直矩曲終形相然而魯班門外另有鑄金式合
其式者被珠勒否則俯仰隨車間躑躅不得供天閑吁嗟
乎天閑不得供天性自負異汗血不辭追風行雄心不墮
伏櫪淚一朝物色冀野來權奇偶儻呈良材始信逸足殊
駑駘不然駑駘雖羸馬猶活何以齋金絕城市死骨

寶劍篇

半空百尺白虹起雲頭電掣金蛇紫煙疑萬點飛流星凜
然一片臨秋水世人目不識龍泉但見神光精氣騰九天

續屏風館詩集

卷一

二

時無張華雷煥出韜匿宜伏豐獄邊一朝忽落懦夫手絕
倒猿公與蛇母不能一剖仇讐胸不能一抉姦邪首牀頭
閒置匣中埋不鳴不嘯胡爲哉霜鋒塵蝕漸挫折坐看魑
魅橫行來吁嗟斷犀切玉洵奇快入世人目都見怪空負
長才倚天外街頭自有鉛刀賣

遊鳳凰山憩永慶寺

一名大佛寺

邑西一卷山勝境同鳥目鳳凰峯最佳鷺鳥亦聚族考有鷺山
中具林壑美蹊徑繚而曲松翠鎖巖腰樹老生石腹山後
一峯秀瘦影層霄矗山頂一泓泉天然澄碧玉出有秀峯天然井
一百廿丈高風響七里竹山周宛聽雌雄鳴鳴卽卽復足足
大佛不世出古寺深藏谷房廊隨山坡參差露僧屋靈龜

山龍蜿蜒來箸帽崇德煙中綠

題馬扶義畫鰕魚

桃花紅映水邊枝正是鮮鱗上釣時收拾江鄉好風景綠
簑青箸志和詞

鍾道擊鬼圖潘蘭泉屬題

生則落鬼在有唐沒則榮寵邀三郎功名卻從鬼鐸顯勝
藉文字登朝堂綠袍得荷身後賜金榜亦足生前償妙手
適逢吳道子溫岐狀貌摹不揚終南山下作鬼伯以鬼爲
役鬼爲糧迄今人家繪懸壁能殪野仲殲游光鬣毅僮倥
亦匿影無須罵鬼煩東方一笑先生是烏有神荼鬱壘同
虛荒終葵二字考工見意義可以心推詳豈知故事相沿
續屏風館詩集

卷一

三

惜花起早圖爲某女郎題扇

金缸花蕊影猶明草草梳頭對鏡成一夜深閨眠未穩關
心樓外雨風聲
曉色熹微月色低枝頭喚起翠禽啼誰家日影三竿上猶
有芳叢倦蝶棲

新柳

乍展鵝黃一寸萌春光要與玉梅爭雨餘睡眼舒猶倦風裏纖腰舞未成却爲有情頻拂馬但愁無力不勝鶯生來一種纏綿意早解河梁管送迎

桃花

春風隊裏最妖嬈微笑嫣然國色饒向晚霞烘如弄影連朝雨濯不勝嬌重來人面知何去一別仙源望已遙可惜生成多短命欲留粉本倩誰描

紅葉

一夜傳霜信遙看樹樹殷吟情生晚照畫意綢秋山烘徧眠牛背酩酊酒客顏我無車可駐坐破石苔斑

柔兆攝提格

繡屏風館詩集

卷一

四

清明喜友人至

茶蘼花裏記離筵著我相思已兩年馬背船唇程杳杳鱗箋雁帛思綿綿牀頭乍喜春醪熟盤裏方添市賣鮮暖氣恰隨良友至早看新火起廚煙

上巳日同人郊外修禊

絃管無須四座聽但饒水竹卽蘭亭况逢舊雨同浮白好趁新晴共踏青蠶市光陰容易過鶯花世界喚難醒視今視昔空成感宇內從來總厲形

白牡丹

果然塵眼易迷離袍緒紅競詫奇別有神仙兼富貴不施脂粉合時宜端容盡洗酸寒態本色多含絕艷姿此是

瑤臺天上種春風偷放兩三枝

初夏病起

小軒幾度罷憑欄九十韶華指一彈燕子語柔知久別鼠姑花好恨多殘慣諳藥味渾忘苦欲卸春衣尙怯寒眠食屢煩慈母訊關心猶當稚兒看

古意

郎譽妾如桃花腮妾笑郎如楊花性楊花隨風飛不定桃花紅顏多薄命願妾不改桃花腮願郎早改楊花性

離別怨

昨登望夫臺落日飛紅埃今登望夫臺碧嶂如雲雖當年分手處一樹桃花栽問郎一去何時回手指桃花落復開

繡屏風館詩集

卷一

五

花亦竟不開郎亦竟不來門前輪迹埋青苔

宮怨

別院名花帶笑開歌聲如隔萬重臺羊車自趁君心在鹽汁何曾引得來

閨怨

遠遊浪跡渺江湖雁字翩翩信息無手揭唐詩心暗卜覷名剛是李君虞

婪尾花開又一春夢中消息畫中身海枯石爛皆虛語情盡橋邊有過人

題扇頭過牆梅

斜倚苔牆分外妍孤標別向雪中傳暗香浮動黃昏候輪

與鄰娃手折便

矮箋盡處倒垂來兩面花如一面開野性生成難束縛出
牆休當杏花猜

對山莊

青山日向山房立山人日喜山光挹層巒環岫遠與招翠
巖丹崖近相揖看山有時亦生厭盡把山窗扇四面忽然
風又替吹開峯峯飛入如花片

黃山雲海歌和友人作

黃山山高高插天山高山下山雲連山雲蔽山山變海波
濤萬頃渾無邊奇峯怪石山中寶山靈怕人來搜討急將
一幅兜羅綿鋪向千仞萬仞之天表天都望縹緲始信尤
繡屏風館詩集 卷一 六

梧桐園

屨廊響斷館娃閣百花洲邊花又落畫船不載錦帆遊采
蓮歌歇風蕭索淒涼景色生梧宮梧宮亭榭猶玲瓏扶疏
低印銀蟾冷曾照芡蘿村女影秋風颯颯如敵來吳王愁
顏愁不開江山已沼美人去惟有麋鹿游高臺至今路旁
數株樹猶是當年歌舞處秋來葉上聲聲雨遺恨還如過
客語

游仙雜詩

海上蓬山悵渺茫黃泉有骨葬秦皇當年苦覓長生草誰
料宮中有玉姜

跨虎歸遲辦一裝救貧仙亦少奇方彩鸞自嫁文簫後只
替人間寫韻忙

解珮仙家事有無蘭香萼綠偶嬉娛羊權曾受金條脫張
碩還留玉唾盂

辛苦音書寄一封鍾情不避海濤凶玉皇甚惱中撓阻特
敕雷公鎖孽龍

擲米成珠戲偶然方平不禁笑旁邊蔡經妄想麻姑爪背
癢從教著一鞭

碧城往返此身輕未了塵緣暫緩行但是姓名須隱晦賦
繡屏風館詩集 卷一 七

詩曾惱許飛瓊

靈瑛同奏五雲傍空際祥鸞綵鳳翔聽到九天鈞一響座
中認得段安香

各占名山一洞天昨宵高會列羣仙綵繡隊隊層霄過下
界遙看但紫烟

瓊笈無端恣意開慧心常詡軼羣才那知真訣藏丹笈一
字何曾識得來

只爲艱難火食離苦支鶴髮與雞皮若教嘗得羊珠味便
過千年也不飢

亦有生來珊骨饒得教白日上青霄又緣風颺飛行疾錯
過三山望轉遙

昔住瑤池翠水邊等閒見慣眾嬋娟無端一語忘形迹
向人間五百年

題佛成上人小影

一石當蒲團百花環左右眼中紛色相卽空證羣有不學
棲巢高不須面壁久蓮社結因緣不限方外友祇是淵明
來可許一飲酒

疆園單閑

賣花吟

銅街賣花一聲叫家家簾底迎花笑白白紅紅壓半肩花
顛擔頭春意開前村昨夜雨廉纖關心繡枕難成眠巷尾
侵晨人到早筠籃滴露痕猶鮮紫韻紅腔風外度依稀十

繡屏風館詩集

卷一

八

里香沿路玲瓏合向膽瓶供旖旎堪爲寶鈿助鄰墻低和
數聲簫簫聲宛轉花妖嬈粉蝶戀香飛不去翩翩相逐垂
楊橋誰家小鬟私自喜買去輕籠雙袖裏金錢不惜繡簾
拋知是曉粧人乍起曉粧人正攏鬟絲安上鬟絲復入時
還囑侍兒須記取明朝好檢並頭枝

社日戲作

家家新穀早登場競看雞豚結社忙我與細君謀一醉卻
無肉割愧東方
邨南邨北鼓逢逢桑柘陰中落日紅床下我方憎蟻闌人
家釀要酒治聾

寒翠齋留贈鄭叔維

昨朝畫舫來花下未一繫今我來相尋投轄多古誼啖我
紫駝峯醉我珍珠紅牡丹圍四座置我花當中黃雞遠邨
曉斜月西窗落呼童淪新茗深夜重開閣

臨別有所贈一竹與一蕉竹取葉不凋耐久能全交蕉取
心常抽一日如三秋余道相思苦不如首長聚梅塘與張
墅路隔無一部爲三十里欲期一握手只聽數聲鶯

尙湖觀漁曲

黃梅兼旬時雨過長河曲港生新波尙父湖尤煙波瀾濶
頭渡口結網多漁翁相約中流去大家爭唱蹋浪歌竹篙
撐破風波險一葉拋擲輕于梭東聞鳴榔西打槳千頃琉
璃雲蕩潏紅蓼岸邊活計充白蘋洲畔生涯廣得魚不須

繡屏風館詩集

卷一

九

香餌投吹沫吞花自觸網有時一罾撒入水高坐板頭姑
靜俟有時一罾牽出水唯唯跳躍羅百尾又有水禽飛拍
拍翻身洒入波心裏歛然街上小艇來一尺鮮鱗更肥美
戴青笠披綠簑蠟籠蟹簾雜沓掩覆之荷貫以柳雪片銀
花換斗酒落日照得全湖紅山肴野飯盤殮豐漁兄漁弟
並漁婦團圞坐笑語濃一醉東方月上矣僵臥舟中喚
不起生來不識是非場夢穩菰蘆夢亦喜漁家之樂樂如
此貴極三公未足擬那得元真閒結儔此間來話煙波秋
采桑詞

行來一徑露濃濃曉起梳頭也弗遑未敢提籠忘采葉昨
宵妾亦夢遶陽

浴罷紅蠶春已深
欣看沃若綠陰陰
阿儂攜翦心情嬾
驚聽枝頭叫戴鶯

年年一幅布裙拖
不掩邨孃臉似霞
羅綺偏身誰氏女
閒行陌上但看花

乞巧詞

明河如練月如鉤
同約穿鍼上綵樓
果有巧從天女乞
也應先送與癡牛

新

鴛鴦今宵喜効靈
彩橋高架接雲屏
巧絲疑落邨娃手
絡緯聲中織未停

雨灑明朝別淚芬
天邊情思亂於雲
倡隨卻羨人間婦
並坐深閨讀柳文

續犀風館詩集

卷一

十

無事樓頭結綵棚
底須瓜果玉槃盛
天孫自失支機石
猶恐雲裳織不成

閨人禮佛詞

欲將慧業證真靈
訴徧丹誠與佛聽
怪底芙蓉香滿口
前身早誦法華經

合十朝朝禮繡茵
無聲微見動櫻脣
不教心事同袍覺
獨對香臺默自陳

手拈百八貫珠長
洗盡華粧換澹粧
不是蒲團心繫戀
清晨例跪一枝香

心齋虔奉已多年
口誦南謨慣漱泉
爲報廚孃須仔細
蔬盤味莫惹腥羶

息夫人

花前相對喚難磨
萬舞陳宮別憾增
淚點是新還是舊
未亡人果爲誰稱

明妃

君王大計在和親
非爲芳容繪失真
一奏琵琶烽火息
毛生自是漢功臣

一坏青塚擅芳名
未必冰絲有怨聲
老住深宮非盡福
傾城有意作長城

綠珠

墜樓自見美人腸
豈爲珍珠十斛償
勸酒紅顏多忍殺
齊奴從不解憐香

續犀風館詩集

卷一

十一

生來頭福季倫多
贏得同歸有翠娥
錦障已空金谷閉
至今傳唱懊儂歌

紅拂

不甘執拂侍帷中
俊眼偏能識衛公
但解琴心嗤卓女
如原不算英雄

太真

馬嵬坡下事堪傷
天上雙星不主張
誰遣君王心緒惡
雨淋鈴曲繼霓裳

上官昭容

如飛紙落綵樓開
高下詩分沈宋才
儻使男兒持一秤
雙眸那識夜珠來

開元宮人

心感君王對女牛征袍寄怨更風流貴妃雖寵爭如妾緣
結今生又白頭

秋蝶

粉褪香消漸不支南園碧草影參差風前憔悴今如此曾
見穿紅拂綠時

秋鶯

金衣公子愛新歌無奈光陰似擲梭一帶綠垂楊影裏飛
鴉占得夕陽多

著雍執徐

新正東吳六泉

繡屏風館詩集卷一

王

先裁一紙遞君家看過春燈定泛槎舉室近來無恙否西
軒兼爲訊梅花

紫姑神曲

新年要事殊可喜紅燈一點神來矣神居何地來何方邀
請卻在豬欄裏釵花爲粧箕爲輿清香一炷茶一盃靈機
忽向盤中動漏痕釵脚書模餉魯魚帝虎三豕渡會意象
形需妙悟蠶蟻田婦祝喃喃神其告我無我悞時而恭敬
時笑嬉游戲豈真當揲著寂然不動佩環香虛空誰睹窈
窕姿獨念形骸離世久靈氣聊復假人手愚氓歡喜堅信
心遠之則無近則有邇來好事家如顛爭設壇坫迎乩仙
或標身在蓬山上或書名隸大羅天清詞麗句如霏玉鐵

畫銀鈎運腕速有詢必答無廢詞能變玩心爲虔肅賢者
不免習俗移何論癡男蠢婦駭女兒

訪友不值

何處征帆滯水濱離懷翻恨綠波新綺窗一樹梅花好笑
倚風前作主人

食福橘口占

絕無酸味但流漿箇箇輕紅色飽霜多憾淵材消得未饜
魚無骨海棠香

燈謎吟爲半舫齋主人作

佳節屈傳柑燈帷徧列屋韻事燈謎傳賞心共雅俗或拈
禽魚名或隱花柳目或意會詩書或句摘詞曲離之了無

繡屏風館詩集卷一

王

關合則始連屬占同射覆精製異探圖熟語等毛飯三謀
比龜藏六作者密而巧猜者敏且速兩心喜相印萬緒妙
一觸如環連心解如射中必鵠安排螺數九鋪列牋百幅
或貽以茗香或贈以綺縠得者珠探驪失者蕉夢鹿廋詞
漢代始隱語唐宋續上林獻棗來曼倩解東東黃絹幼婦
詞碑早曹娥讀鷄肋悟班師門大字題活叶呼袁康越絕
書離文姓氏伏伯陽參同契名地隱然告鮑照井字謎集
中創其局荆公日字謎語亦裨史錄小慧固可嗤大才或
不足朋儕集春宵共博一捧腹猶賢擲五木終勝打雙陸

玉蘭次韻

全無片葉萬花攢勝卻梅肥帶雪寒獨向半空饒素艷生

愁一雨易闌珊族非湘女分香似名含環妃比色難不是
瑤臺還此種臨風卹得等閒看

春曉枕上作

春來夢覺起猶慵未辨陰晴曉色中幾隻鶉鴝聽互喚聲
聲只在屋西東

同人湖田觀競渡

龍舟隊隊似飛梭龍尾相隨畫舫多旗影雲邊翔彩鳳鼓
聲浪裏吼靈鼉湖亭舊寄樊川恨湘水空傳楚客歌一碧
琉璃都攪碎桃花紅不照春波

喜晴

雨歇雲歸條放晴遙山有影隔林明漫愁昨夜花塔滴早
繡屏風館詩集

卷一

十

喜今朝綠野耕風驗東西看柳腳春知深淺聽鶯聲陌頭
好趁羣兒戲處處吹簫喚賣饒

咏毛嬙爲西施解圍

飛鳥潛魚避曉粧傾城顏色並夷光越宮一樣承恩寵烏
喙何曾爲國亡

紫玉墓

孤棲幽怨抱頻年留贈明珠佇九泉千載香魂應不散一
环芳草尙籠煙

悼亡

梁案心期對一生機聲常得伴書聲無端炊日來妖夢腸
斷瑤臺一夕傾

卷一

十五

浪迹年來悔莫禁
累君幾度白頭吟
早知一現曇花影
恨不紅窗惜寸陰

場來行立鎮無慘
遣悶頻煩醉侶邀
容易人叢過白日
空牀長簾又今宵

錦瑟塵生鏡少菱
更無翠袖畫欄憑
單存遺掛依稀似
可奈千呼不一磨

遲遲營奠愧微之
聊向靈筵設一卮
清是酒漿酸是淚
此中滋味夜臺知

廢園

挈伴曾經阮屐攜
重來風景已全非
但驚古屋蒼龍竄
不見雕梁紫燕飛

詩集卷一

又聽豪家始巧石
名花半輩歸

香奩十二詠

潘懷縣遺掛在壁
章蘇州芳巾染澤
每一微吟不勝悼
歎今也夢斷香銷

陳事之悲托物興
懷多是神傷之語

杏花樓上曉粧開
一塊圓冰掛玉臺
若使箇中能蓄影
眞不喚畫圖來

九孔頻看度玉蟾
幽窗帶病繡還拈
未完幾隻雙飛鳳
夜夜輕寒沁指尖

臨風手整一條條
五色裁縫迹暗銷
萬縷千絲遺恨在
光陰添處益無聊

幾襲吳綾典後存
水沈熏徹尙溫唇
自擎藥盞慵披曳
拋疊筠箱半摺痕

鮫綃尺幅脹鍼箱
蕭澤微聞袖裏藏
只爲思親常下淚
淚痕猶濕一行行

合歡結就萬絲條
重疊圍來臘半條
今日任拋衣桁角
忍教重繫沈郎腰

委地當初祇自憐
拖來燕子尾涎涎
水晶簾底紗窗下
正是蘭膏綠潤年

半規月偃鏡奩旁
理髮何年更覩粧
空說仙家傳百齒
幾能持作養生方

交加十二釵明鉗
絆住鬟雲倚碧窗
多被狂郎來泥拔
枕

繡屏風館詩集卷一

奩留脂翠翹雙
元韻詩泥他沽酒拔金釵
頭上鴛奴雙翠翹

條脫雙雙袖口環
迴廊壓偏小紅欄
不知弱質多消減
但覺春來約腕寬

王母遙將綵勝傳
芳菲正好助珠鈿
拈來朵朵猶成對
拋落粧臺色未蔫

石葉龍涎品細分
博山鎮日裊氤氲
分明病肺緣多染
不向魂筵一炷焚

居維大荒落
烘開牡丹

寂寂花遲穀雨開
葳蕤須待好風催
懸知富貴他時在
附熱偏多躁進來

送春

掄指番風花信移翻階紅影臘將離天涯多少行人滯偏是東君不爽期

相約重來候不差南枝消息奈程賒綠陰前路如層障那得東郊返駕遮

迅疾時光趁馬蹏聽歌三疊不勝悽高樓佇望空惆悵誰有長繩繫日西

端午追悼

紅榴花下挈雙壺光景思量歎不殊猶記腕邊纏絲縷似曾衣底佩靈符臂方空覓三年艾人壽偏輸九節蒲弔罷湘纍還弔汝汨痕怎禁葛衫濡

續屏風館詩集卷一

太

消夏雜詠

曬書

朝曦一綫射簷端手捧芸編次第攤好趁荷風香裏展記曾梅雨節前看幾回觸處蟬魚走甚歲藏來咬蝶乾敢學郝隆狂傲世自慚此腹但供餐

澆花

盼到斜陽下碧岑灌圃剛好趁涼陰連筒小試回生手一勻聊申潤物心欲看長成枝葉茂須教培植本根深眼前微澤羣芳被多有田禾苦望霖

除草

春風影裏綠抽芽又見煙痕處處遮闌徑每愁傷暗笋當

窗先喜出新花化螢書几光微借吹蛤池塘夜厭譁簾外稍留生意在休教滋蔓徧天涯

勞瓜

佳種青門進一枚最宜當午鎮心來早浮玉井涼應澈欲試金刀色預猜皮相幾回勞檢別中含畢竟驗分開纖纖犀瓣原難定決戰空誇有異才

折荷

銀塘風定雨初過葉葉微香動淥波河上勝流簫半截浦邊中婦鏡新磨關心祇恐牽絲斷試手應防觸刺多花亦清芬能解暑晚涼聽唱采蓮歌

芟竹

續屏風館詩集卷一

尤

本來面目此君清忽地新梢簇簇生縱喜綠雲遮老屋休教涼月蔽南榮深林自便橫琴坐幽徑何曾礙屐行寫出紙窗千个字斜陽影裏更分明

看雨

隱隱溪雲起遠邨驀然窗黑認黃昏花欹纔受簷頭滴萍破俄生水面痕應是催詩工部句儻教讀畫米家論望中橫著溟濛色多少層巒不到門

坐月

西窗盼到夕陽收不點銀燈室自幽但得當頭甘徹曉底須屈指計中秋一欄花影纏衣定滿地波痕遠榻流好是嫦娥如舊識前身應向廣寒遊